



Arabako kalkulu Gunea, A.B.
Centro de Cálculo de Álava, S.A.

OINARRI OROKORRAK, ARABAKO KALKULUGUNEA SA SOZIETATEAREN ZERBITZUEN KUDEATZAILE LANPOSTU BAT BETETZEKO LANGILE LAN KONTRATUDUNEN HAUTAKETA ARAUTZEN DUTENAK

LEHEN OINARRIA.- ARAU OROKORRAK:

1.1. 1.1. Oinarri hauen xedea da zerbitzuen kudeatzaile lanpostu bat (2023005) betetzeko hautaketa prozesuaren oinarrizko arauak ezartzea.

1.2. Aplikagarria izango da deialdi honetan oro har xedatutakoa. Hautaketa sistemak eta puntuazioek oinarri hauei jarraituko diete.

1.3. Deialdiaren xede diren plazek enpresaren hitzarmenaren arabera ordainsaria izango dute (5. maila: 43.965,90 euro gordin urtean). Hitzarmen horrek arautuko ditu gainerako lan baldintzak ere.

1.4. Lanpostuetako jardunak AKSaren Gasteizko (Araba) bulegoetan beteko dira, eta interesdunak AKSAn indarrean dagoen telelaneko akordioari heldu ahal izango dio.

1.5. Plaza betetzeko araudi espezifikoa haren oinarri espezifikoetan jasoko da.

1.6. Kontratazioa kontratu mugagabearen modalitatean egingo da, eta dagokion probaldia izango du.

1.7. Kasuan kasuko lan poltsa osatu eta lehenengo bi urteetan, deialdi honen xede den lanpostuaren berdina diren beste batzuk behin betiko betetzeko premia gehiago sortuko balira, AKSAk kontratazio mugagabeetarako deitu ahal izango ditu hautaketa prozesu osoa amaitu duten pertsonak, hau da, hautaketa prozesuaren 4. fasea egin duten eta azken horretan GAI izan diren pertsonak, betiere puntuazio hurrenkeraren arabera.

Lanpostuak era mugagabean betetzeko premia berri horien artean, honako arrazoi hauek daude: erretiroa, egiturazko plantilla areagotzea, behin betiko borondatezko baja, borondatezko eszedentziagatik lanpostua gehiago ez gordetzea.

1.8. Deialdi hau enplegu webguneetan argitaratuko da, eta oinarriak (orokorrak eta espezifikoak) eskuragarri daude AKGSaren webgunean www.ccasa.eus eta enpresa laguntzailearen webgunean www.qualiconsultores.es.

BIGAREN OINARRIA.- IZANGAIEK BETE BEHARREKO BALDINTZAK:

Hautaketa prozesuan parte hartu ahal izateko, izangaiek baldintza hauek bete beharko dituzte (baldintzak baztertzailerak dira betiere):



Arabako kalkulu Gunea, A.B.
Centro de Cálculo de Álava, S.A.

- A) Eskaera: Eskatera, **I. eranskina** eta **II. eranskina** betetzea (eremu guztiak).
- B) Nazionalitatea: Besteren konturako lanpostuetan langile lan kontratudun aritzeko indarrean den legediak ezartzen dituen betebeharrak guztiak betetzea. Atzerritarrei dagokienez, abenduaren 22ko 8/2000 Lege Organikoak eskatzen dituen baimenak eduki behar dituzte. Lege horrek atzerritarrek Espainian dituzten eskubide eta askatasunei buruzko eta atzerritar horiek gizarteratzeari buruzko urtarrilaren 11ko 4/2000 Lege Organikoa aldatzen du.
- C) Adina: Hamasei urte beteta edukitzea eta nahitaezko erretirorako gehieneko adina ez gainditzea.
- D) Titulazioa: Oinarri espezifikoaren hirugarren oinarrian adierazitako titulazioetako bat izatea edo hura jaulkitzeko eskubideak ordainduta izatea.
- E) Gaitasun funtzionala: Ez izatea dagozkion eginkizunak betetzea eragozten duen osasun arazorik, hargatik eragotzi gabe Minusbaliatuak Gizarteratzeari buruzko apirilaren 7ko 13/1982 Legean ezarritakoa bete dadila.
- F) Gaitzea: Ez egotea epai bidez edo zerbitzuaren diziplina espedientearen bidez administrazio publikoetako edo sektore publikoko enpresetako edozeinetatik berezita edo aldi batez lanpostutik kenduta, eta ez egotea ezgaiturik funtzio publikoak betetzeko.

Aurretik adierazi diren baldintza guztiak eskabideak aurkezteko epea amaitzen den egunerako eduki behar dira beterrik, eta lan kontratua egiten den unera arte betetzen jarraitu, salbu eta E apartatuan aipatzen dena, zeina AKSAk erabakitako mediku zerbitzuak ziurtatu beharko baitu kontratazio proposamena egin aurre-aurretik.

Pertsona desgaituak gainerako izangaien baldintza berberetan onartuko dira hautaketa probetan, haien mugak iragarritako lanpostuari dagozkion eginkizunak edo zereginak normaltasunez betetzearekin bateraezinak ez direnean. Hautaprobetan, denbora eta baliabideak ahal bezainbeste egokituko dira, baldin eta interesdunek eskaeran hala adierazten badute.

HIRUGARREN OINARRIA.- ESKAERAK AURKEZTEA:

Izangaiek honako agiri hauek bidali beharko dituzte, posta elektronikoz, deialdi bakoitzean zehazten den helbidera:

- **I. eranskina.**



Arabako kalkulu Gunea, A.B.
Centro de Cálculo de Álava, S.A.

- **II. eranskina.**
- **NANaren** edo balio bereko nortasun agiri baten **irudi eskaneatua.**
- **Curriculum vitae.**
- Gizarte Segurantzak emandako **lan bizitzaren txosten eguneratua.**
- **Ezagutzen zinpeko adierazpena.**
- **Curriculum memoria**
- Oinarri espezifikoetan eskatutako titulazioaren kopia.
- Eskatutako ezagutzak edo baloratzekoak direnak egiaztatzeko **ziurtagirien edo diplomen kopiak.**
- Hizkuntza **titulazioen kopiak.**
- **Izangaiak baldintzak betetzen dituela eta alegatutako merezimenduak egiazkoak direla frogatzen duten agiri guztiak.**

Arabako Kalkuluguneak eskubidea du emandako dokumentazioa/informazioa egiazkoa dela egiaztatzeko, eta egiazkoa ez den informazioa eman duten pertsonak zuzenean baztertu ahal izango dira hautaketa prozesutik.

"Eskaerak aurkezteko epea 2023ko urriaren 16an amaituko da. "

Qualis Consultores de Talento SL enpresa laguntzaileak erantzuna bidaliko du hartu izanaren agiri gisa, posta elektronikoz, eskaera bidali ondoko 48 ordu balioduneko epean, eta izangai bakoitzari eskaera kode desberdin bat helaraziko dio.

Kode hori izangaien nortasuna isilpean edukitzeko erabiliko da hautaketa prozesuan egiten diren argitalpenetan.

Mezu elektronikoa bat bidaliko da, informazio gisa, izangaiak emandako helbide elektronikora, jakinarazteko prozesuan onartu egin dituztela edo, hala badagokio, zergatik baztertu dituzten. Halaber, izena eman duten hautagaietako bakoitzari identifikazio kode bakar bat emango zaio, faseetako bakoitzeko emaitzetara sarbidea izan dezan.

POSTA ELEKTRONIKORA EGINDAKO JAKINARAZPENEI BURUZKO OHARRA:

Hautaketa prozesuaren edozein fasetan posta elektronikoa bidez bidaltzen diren jakinarazpenen xedea informazioa ematea da eta ez dira, inolaz ere, lotesleak izango.



Arabako kalkulu Gunea, A.B.
Centro de Cálculo de Álava, S.A.

LAUGARREN OINARRIA.- INFORMAZIOA ARGITARATZEA:

Oro har, bitarteko hauen bidez jakinaraziko dira deialdiaren eta hautaketa prozesuen inguruko iragarkiak, probetarako deialdiak, emaitzen argitalpenak eta abar:

- Webgunea: www.ccasa.eus
- Webgunea: www.qualisconsultores.es

Interesdun guztien eskura jartzen da honako helbide elektroniko hau, argitaratutako oinarriak direla-eta kontsultak edo argibide eskaerak bidaltzeko eta hautaketa prozesu osoan zehar alegazioak egiteko:

2023005@qualisconsultores.es

Fase bakoitza amaitutakoan, Qualis Consultores de Talento SL enpresa laguntzaileak lortu diren balorazioen zerrenda egingo du, puntuazio handienetik txikienera ordenatuta, eta alegazioak aurkezteko hiru egun balioduneko epea ezarriko du. Era berean, ariketa bakoitzean lortutako behin betiko emaitzak argitaratuko ditu, eta ezarritako gutxieneko puntuazioa lortzen ez duten izangaiek baztertu egingo dira. Behin betiko emaitzak argitaratzen direnean, behin-behineko emaitzei egindako alegazioei erantzuten zaie.

BOSGARREN OINARRIA.- HAUTAGAIEN HAUTAKETA:

Hautaprobak amaitutakoan, hautaketa epaimahaiak kontratazio proposamena egingo du fase bakoitzean lortutako puntuazioak batuta guztizko puntuaziorik handiena lortu duten izangaiei alde.

Berdinketarik badago, lehentasuna emango zaie emakumeei, emakumeak % 40 baino gutxiago diren profil profesionaletan, salbu eta beste izangaiek arrazoiak badituzte neurri hori ez aplikatzeko, sexuagatiko bazterkeriakoak ez badira; esaterako, enplegua lortzeko zailtasun handiak dituzten kolektiboetakoren batekoak izatea.

Aurreko paragrafoan ezarritakoa eragotzi gabe, berdinketa hausteko ezarritako lehentasun hurrenkera honako irizpide hauen arabera ezarriko da:

1. 2. fasean lortutako puntuazioa
2. 4. fasean lortutako puntuazioa
3. Eusko Jaurlearitzako Langileriaren Kudeaketa Zuzendaritzak onesten duen urteko ebazpenaren arabera (ordena ezartzeko unean indarrean egon behar da),



Arabako kalkulu Gunea, A.B.
Centro de Cálculo de Álava, S.A.

zeinaren bidez argitara ematen baita kasuan kasuko ikasturtean ordezkapenak egiteko hautagaien kudeaketa prozesuan eta ikasturte horretan deitu daitekeen beste edozein hautaketa prozesutan ordena alfabetikoa zehaztuko duen letraren zozketaren emaitza.

Hautaketa prozesuaren emaitza interesdunei jakinaraziko zaie, eta hiru egun balioduneko epean aurkeztu beharko dituzte hautaketa prozesuan parte hartzeko oinarri hauetan eskatzen diren baldintzak betetzen dituztela frogatzeko egiaztagiria:

Eskatzen diren eta curriculumean adierazi diren ikasketak egin izana egiaztatzen duten tituluen eta ziurtagirien kopia konpultsatua.

Proposatutako hautagaiek ez badute aurkezten galdegiten zaien dokumentazioa, AKSAk gaitzat jotako hurrengo hautagaiak (prozesuko amaierako puntuazioaren hurrenkerari jarraituz) kontratatu ahal izango ditu.

Lanpostu honen probaldia sei hilabetekoa izango da, eta epaimahaiak probaldi horretarako balioespen batzordea izendatu beharko du; hark egin beharko du laneratze prozesuaren jarraipena, eta itxi egin beharko du egokia izan bada; bestela, dagokion justifikazio txostena idatzi beharko du.

Sei hilabeteko probaldian izangaia eszedentzian, baimenekin, bajaran edo horrelako egoeretan egon bada, probaldia benetako lanean sei hilabete bete arte luzatuko da.

Proposatutako hautagaiek ez badute gainditzen aipatutako sei hilabeteko probaldia, AKSAk gaitzat jotako hurrengo hautagaiak (prozesuko amaierako puntuazioaren hurrenkerari jarraituz) kontratatu ahal izango ditu.

AKSAk lan poltsa bat sortuko du behin-behineko kontratazioak egiteko. Lan poltsa horretan, 2. fasea gainditu duten pertsona guztiak sartuko dira, ondoko puntuazio hurrenkera honetan:

- Lehenengo, 4. faseko puntuazio hurrenkeraren arabera.
- Bigarrenik, 2. faseko puntuazio hurrenkeraren arabera.

Hala osatutako lan poltsak nola hura kudeatzeko oinarriak AKSAren web orrian emango dira argitara, hautaketa prozesua amaitutakoan.



Arabako kalkulu Gunea, A.B.
Centro de Cálculo de Álava, S.A.

Lan poltsetan berdinketa hurrenkera ezartzeko, irizpide hauek hartuko dira kontuan, hurrenez hurren:

1. Lehenetsuna emango zaie emakumeei, emakumeak % 40 baino gutxiago diren profil profesioaletan, salbu eta beste hautagaiak sexuagatiko bazterkeriakoak ez diren arrazoiak badituzte neurri hori ez aplikatzeko; esaterako, enplegua lortzeko zailtasun handiak dituzten kolektiboetakoren batekoak izatea.
2. 2. fasean lortutako puntuazioa
3. 4. fasean lortutako puntuazioa
4. Eusko Jaurlaritzako Langileriaren Kudeaketa Zuzendaritzak onesten duen urteko ebazpenaren arabera (ordena ezartzeko unean indarrean egon behar da), zeinaren bidez argitara ematen baita kasuan kasuko ikasturtean ordezkapenak egiteko hautagaien kudeaketa prozesuan eta ikasturte horretan deitu daitekeen beste edozein hautaketa prozesutan ordena alfabetikoa zehaztuko duen letraren zozketaren emaitza.

Hala osatutako lan poltsak nola hura kudeatzeko oinarriak AKSaren web orrian emango dira argitara, hautaketa prozesua amaitutakoan.

SEIGARREN OINARRIA.- HAUTAKETA EPAIMAHAIA:

6.1 Hautaketa epaimahai bat eratuko da, eta epaimahai horren izendapenean trebakuntza, gaitasun eta prestakuntza egokiak dituzten **emakumeen eta gizonen presentzia orekatua** izatea bermatuko da, eta inpartzialtasun eta profesionaltasun printzipioak errespetatuko dira. ¹

6.2 Ordenamendu juridikoaren arabera, hautaketa epaimahaiak ebatziko ditu oinarri hauek aplikatzean sortzen diren zalantza guztiak, eta fase bakoitza behar den bezala garatzeko beharrezkoak diren erabakiak hartuko ditu, oinarrietan aurreikusten ez diren kasuetarako jarraitu beharreko irizpideak ezarriz. Horrez gain, fase bakoitzaren emaitzak baliozkotuko ditu, eta gertatzen diren gorabehera guztiak ebatziko.

Artikulu honen ondorioetarako, ordezkari eta presentzia orekatua dela ulertuko da, baldin eta lau kide baino gehiagoko epaimahai eta antzeko organoetan bi sexuek gutxienez % 40ko ordezkari eta badute. Gainerakoetan, bi sexuak ordezkari badaude.



Arabako kalkulu Gunea, A.B.
Centro de Cálculo de Álava, S.A.

Aipatutako epaimahaiko kideren batek ezin badu azaldu, sozietatearen zuzendaritzak izendatuko du haren ordezkoa (beharrezkotzat jotzen badu). Epaimahaia gutxienez hiru kidek osatuko dute beti.

6.3. Hautaketa epaimahaiak erabaki dezake bere lanetan aholkulari edo enpresa espezializatuek parte hartzea, hala egitea egokia deritzon ariketen probetarako.

6.4. Epaimahaiko kideek ezin dute hautaketa prozesuan parte hartu (eta hala jakinarazi behar diote deialdia iragarri duen agintaritzari). Izangaiek errekusatzeko eskubidea baliatu ahalko dute, baldin eta Sektore Publikoaren Araubide Juridikoaren urriaren 1eko 40/2015 Legeak 23 eta 24. artikuluetan arautzen dituen inguruabarrak gertatzen badira.

6.5. Hautaketa epaimahaiko kide guztiek izango dute ahotsa eta botoa. Aipatutako epaimahaiaren erabaki guztiak bertaratutako kide guztien botoaren gehiengoarekin onetsiko dira, eta, boto kopuruan berdinketa gertatuz gero, epaimahaiburuaren botoak ebatziko du bozketa.

6.6 Hautaketa epaimahaiko kideen izen zerrenda behin betiko onartu eta baztertu diren izangaien zerrendarekin batera argitaratuko da.

ZAZPIGARREN OINARRIA.- DATUEN BABESA:

Datu Pertsonalak babesteko eta Eskubide Digitalak bermatzeko abenduaren 5eko 3/2018 Lege Organikoan xedatutakoa betetzeko, langileak hautatzeko prozesu honetan parte hartzen dutenei jakinarazten diegu prozesuan parte hartzearen ondorioz edozein xedetarako ematen dituzten datu pertsonalak Arabako Kalkulugunea SAK (AKGSA) eta Qualis Consultores de Talento SLk horrela erabiliko dituztela:



Arabako kalkulu Gunea, A.B.
Centro de Cálculo de Álava, S.A.

OINARRIZKO LEGE INFORMAZIOA AKSA-REN DATU BABESARI BURUZ	
Arduraduna	AKSAko Administrazio eta Giza Baliabide Saileko arduraduna
Helburua	Zure datu pertsonalak honako hauetarako erabiliko ditu AKSAk: <ul style="list-style-type: none">• Hautaketa prozesua gauzatzeko eta langilearen eta AKSAren arteko lan harremana kudeatzeko.• AKSAk parte hartzaileekin eta izangaiekin osatzen dituen lan poltsak kudeatzeko.
Legitimazioa	Izenpetzen duen pertsonaren baimena
Hartzaileak	Ez dira lagako
Eskubideak	Datuak ikusi, zuzendu eta ezabatzea, eta informazio gehigarriaren dokumentuan jasotzen diren gainerakoak.
Informazio gehigarria	Datuen babesari buruzko informazio gehigarri eta zehatza kontsulta dezakezu honako webgune honetan: www.ccasa.eus , Lege informazioa - > Datu pertsonalak atalean.

OINARRIZKO LEGE INFORMAZIOA QUALIS CONSULTORES DE TALENTO SL-REN DATU BABESARI BURUZ	
Arduraduna	QUALIS CONSULTORES SL
Helburua	Zure datu pertsonalak honako hauetarako erabiliko ditu Qualis Consultores de Talento SLk: <ul style="list-style-type: none">• Langileak hautatzeko prozesu honetan eta etorkizunekoetan parte hartzeko. Nortasun profilak eta lan profilak egiteko. Emandako erreferentziak egiaztatzeko.
Legitimazioa	Izangaiaren baimena, curriculum vitae bidaltzean.
Hartzaileak	Langileak hautatzeko prozesuak gauzatzeko enpresaren zerbitzuak erabili nahi dituzten bezeroak.
Gordetzea	Langileak hautatzeko prozesuak iraun bitartean, eta hura amaituta, urtebetez, beste hautaketa prozesu batzuetarako.
Eskubideak	Eskubidea duzu edozein momentutan baimena kentzeko, bai eta datuak ikusi, zuzendu, ezabatu, aurkaratu, mugatu eta lekuz aldatzeko, arduradunari idatzi bat bidaliz eta erabilerari buruz enpresarekin desadostasunik izanez gero, erreklamazioa aurkez dezakezu datuak babesteko agintaritzaren aurrean (www.aepd.es)